

四庫全書

史部

欽定四庫全書

史部

戰國策校注

卷首
二一

詳校官編修臣曹錫齡

編修臣裴謙覆勘

總校官編修臣王燕緒

校對官編修臣盧遂

謄錄監生臣李世麟

欽定四庫全書

史部五

戰國策校注

雜史類

提要

臣等謹案戰國策校注十卷元吳師道撰師道字正傳蘭溪人至治元年進士官至禮部郎中事蹟具元史儒學傳戰國策舊有高誘注宋紹興間縉雲鮑彪病其闕略重為之注而復為改定其次第師道又以鮑彪注為未

善又取剡川姚宏之注與彪注參校而雜引諸書考証之其書一仍彪注之舊而每條之下凡增其所闕者謂之補凡糾其所失者謂之正各以補曰正曰別之復取劉向曾鞏所校三十三篇四百八十六章舊第為彪所變者別存于首前有師道自序撮舉彪注之大紕繆者凡十九條議論皆極精審古來注是書者當以師道為最善其後附載李文叔王

覺孫朴諸跋及姚宏姚寬兩序于是書本末
源流敘述尤詳宏字令聲一曰伯聲嘗為刪
定官忤秦檜死大理獄寬即著西溪叢語者
嘗註是書今皆不傳惟藉師道是書存其崖
略爾乾隆四十五年十二月恭校上

總纂官

臣紀昀臣陸錫熊臣孫士毅

總校官

臣陸費墀

戰國策劉序

護左都水使者光祿大夫臣向言所校中戰國策書中
書餘卷錯亂相糅舛又有國別者八篇少不足臣向因
國別者略以時次之分別不以序者以相補除復重得
三十三篇本字多誤脫為半字以趙為肖以齊為立如
此字者多中書本號或曰國策或曰國事或曰短長或
曰事語或曰長書或曰脩書臣向以為戰國時游士輔
所用之國為之策謀宜為戰國策其事繼春秋以後訖

楚漢之起二百四十五年間之事皆定以殺青書可繕
寫叙曰周室自文武始興崇道德隆禮義設辟雍泮宮
庠序之教陳禮樂弦歌移風之化叙人倫正夫婦天下
莫不曉然論孝悌之義博篤之行故仁義之道滿乎天
下卒致之刑措四十餘年遠方慕義莫不賓服雅頌歌
詠以思其德下及康昭之後以思其德一作思德其上下及一無下字雖有
衰德其綱紀尚明及春秋時已四五百載矣然其餘業
遺烈流而未滅五霸之起尊事周室五霸之後時君雖

無德人臣輔其君者若鄭之子產晉之叔向齊之晏嬰
挾君輔政以並立於中國猶以義相支持歌詠以相感
聘覲以相交期會以相一盟誓以相救天子之命猶有
所行會享之國猶有所耻小國得有所依百姓得有所
息孔子曰能以禮讓為國乎何有周之流化豈不大哉
及春秋之後衆賢輔國者既沒而禮義衰矣孔子雖論
詩書定禮樂王道粲然分明以匹夫無勢化之者七十
二人而已皆天下之俊也時君莫尚之是以王道遂用

不興故曰非威不立非勢不行仲尼既沒之後田氏取齊六卿分晉道德大廢上下失序至秦孝公捐禮讓而貴戰爭棄仁義而用詐譎苟以取強而已矣夫篡盜之人列為侯王詐譎之國興立為強是以轉相放效後嗣師之遂相吞滅并大兼小暴師經歲流血滿野父子不相親兄弟不相安夫婦離散莫保其命渙然道德絕矣晚世益甚萬乘之國七千乘之國五敵侔爭權盡為戰國貪饕無耻競進無厭國異政教各自制斷上無天子

下無方伯力攻爭強勝者為右兵革不休詐偽並起當
此之時雖有道德不得施設有謀之強負阻而恃固連
與交質重約結誓以守其國故孟子荀卿儒術之士棄
捐於世而游說權謀之徒見貴於俗是以蘇秦張儀公
孫衍陳軫代厲之屬生從橫短長之說左右傾側蘇秦
為從張儀為橫橫則秦帝從則楚王所在國重所去國
輕然當此之時秦國最雄諸侯方弱蘇秦結之合六國
為一以償背秦人恐懼不敢闕兵於關中天下不交

兵者二十有九年然秦國勢便形利權謀之士咸先馳
之蘇秦初欲橫秦弗用故東合從及蘇秦死後張儀連
橫諸侯聽之西向事秦是故始皇因四塞之國據靖函
之阻跨隴蜀之饒聽衆人之策乘六世之烈以蠶食六
國兼諸侯并有天下伏於詐謀之積終無信篤之誠無
道德之教仁義之化以綴天下之心任刑罰以為治信
小術以為道遂燔燒詩書坑殺儒士上小堯舜下邈三
王二世愈甚惠不下施情不上達君臣相疑骨肉相疏

化道淺薄網紀壞敗民不見義而懸於不寧撫天下十
四歲天下大潰詐僞之弊也其比王德豈不遠哉孔子
曰道之以政齊之以刑民免而無恥道之以德齊之以
禮有恥且格夫使天下有所恥故化可致也苟以詐僞
偷活取容自上為之何以率下秦之敗也不亦宜乎戰
國之時君德淺薄為之謀策者不得不因勢而為資據
時而為闕故其謀扶急持傾為一切之權雖不可以臨
國教化兵革救急之勢也皆高才秀士度時君之所能

行出奇策異智轉危為安運亡為存亦可喜皆可觀護
左都水使者光祿大夫臣向所校戰國策書錄

戰國策曾序

劉向所定著戰國策三十三篇崇文總目稱十一篇者
闕臣訪之士大夫家始盡得其書正其誤謬而疑其不
可考者然後戰國策三十三篇復完叙曰向叙此書言
周之先明教化修法度所以大治及其後詐謀用而仁
義之路塞所以大亂其說既美矣卒以謂此書戰國之
謀士度時君之所能行不得不然則可謂惑於流俗而
不篤於自信者也夫孔孟之時去周之初已數百歲其

舊法已亡其舊俗已熄久矣二子乃獨明先王之道以
為不可改者豈將強天下之主以後世之所不可為哉
亦將因其所遇之時所遭之變而為當世之法使不失
乎先王之意而已二帝三王之治其變固殊其法固異
而其為天下國家之意本末先後未嘗不同也二子之
道如是而已蓋法者所以適變也不必盡同道者所以
立本也不可不一此理之不易者也故二子者守此豈
好為異論哉能勿苟而已矣可謂不惑於流俗而篤於

自信者也戰國之游士則不然不知道之可信而樂於說之易合其設心注意偷為一切之計而已故論詐之便而諱其敗言戰之善而蔽其患其相率而為之者莫不有利焉而不勝其害也有得焉而不勝其失也卒至蘇秦商鞅孫臏吳起李斯之徒以亡其身而諸侯及秦用之亦滅其國其為世之大禍明矣而俗猶莫之悟也惟先王之道因時適變為法不同而考之無疵用之無敝故古之聖賢未有以此而易彼也或曰邪說之害正

也宜放而絕之則此書之不泯其可乎對曰君子之禁邪說也固將明其說於天下使當世之人皆知其說之不可從然後以禁則齊使後世之人皆知其說之不可為然後以戒則明豈必滅其籍哉放而絕之莫善於是故孟子之書有為神農之言者有為墨子之言者皆著而非之至於此書之作則上繼春秋下至秦漢之起二百四五十年之間載其行事固不得而廢也此書有高誘注者二十一篇或曰三十二篇崇文總目存者

八篇今存者十篇云編校史館書籍臣曾鞏序

國策劉向校定本高誘注曾鞏重校凡浙建括蒼
本皆據曾所定剡川姚宏續校注最後出于見姚
注凡二本其一冠以目錄劉序而置曾序于卷末
其一冠以曾序而劉序次之蓋先劉氏者元本也
先曾氏者重校本也今不敢失其舊故次曾氏焉
吳師道識

欽定四庫全書


序

戰國策校注序

國策史家者流也其文辯博有煥而明有婉而微有約而深太史公之所考本也自漢稱為戰國策雜以短長之號而有蘇張縱橫之說學者諱之置不論非也夫史氏之法具記一時事辭善惡必書初無所決擇楚曰檮杌書惡也魯曰春秋善惡兼也司馬史記班固漢書有佞幸等列傳學者豈以是為不正一舉而棄之哉矧此書若張孟談魯仲連發策之慷慨諒毅觸警納說之從

容養叔之息射保功莫大焉越人之投石謀賢莫尚焉
王斗之愛穀憂國莫重焉諸如此類不一皆有合先王
正道孔孟之所不能違也若之何置之曾鞏之序美矣
而謂禁邪說者固將明其說於天下則亦求其故而為
之說非此書指邪起秦迄今千四百歲由學者不習或
衍或脫或後先失次故肖立半字時次相糅剝向已病
之矣舊有高誘注既疎略無所稽據注又不全浸微浸
滅殆於不存彪於是考史記諸書為之注定其章條正

其衍說而存其舊慎之也地理本之漢志無則缺字訓
本之說文無則稱猶雜出諸書亦別名之人姓名多不
傳見欲顯其所說故繫之一國亦時有論說以翊宣教
化可以正一史之謬備七略之缺於之論是非辨得失
而考闕興亡亦有補於世紹興十七年丁卯仲冬二十
有一日辛巳冬至縉雲鮑彪序



戰國策校注序

先秦之書惟戰國策最古文最訛舛自劉向校定已病之南豐曾鞏再校亦疑其不可考者後漢高誘為注宋尚書郎括蒼鮑彪詆其疎略謬妄乃序次章條補正脫誤時出已見論說其用意甚勤愚嘗並取而讀之高氏之疎略信矣若謬妄則鮑氏自謂也東萊呂子大事記間取鮑說而序次之世亦或從之若其謬誤雖未嘗顯列而因此考彼居然自見遂益得其詳焉蓋鮑專以史

記為據馬遷之作固采之是書不同者當互相正史安
得全是哉事莫大於存古學莫善於闕疑夫子作春秋
仍夏五殘文漢儒校經未嘗去本字但云某當作某某
讀如某示謹重也古書字多假借音亦相通鮑直去本
文徑加改字豈傳疑存舊之意哉比事次時當有明徵
其不可定知者闕焉可也豈必強為傳會乎又其所引
書止於淮南子後漢志說文集韻多撫彼書之見聞不
問本字之當否史注自裴徐氏外索隱正義皆不之引

而通鑑諸書亦莫考淺陋如是其致誤固宜顧乃極詆高氏以陳賈為孟子書所稱以伐燕為齊宣用是發憤更注不思宣王伐燕乃孟子明文宣閔之年通鑑謂史失其次也鮑以赧王為西周君而指為正統此開卷大誤不知河南為西周洛陽為東周韓非子說秦王以為何人魏惠王盟白里以為他事以魯連約矢之書為後人所補以魏幾鄢陵為人名以公子牟非魏牟以中山司馬子期為楚昭王卿此類甚多尚安得詆高氏哉其

論說自謂翊宣教化則尤可議謂張儀之誑齊梁為將死之言善周人詐以免難為君子所恕張登攷擒非君子所排蘇代之詭為不可廢陳軫為絕類離羣蔡澤為明哲保身聶政為孝樂羊為隱忍君王后為賢智婦人韓幾瑟為義嗣衛嗣君為賢君皆悖義害正之甚者其視名物人地之差失又不足論也鮑之成書當紹興丁卯同時剡川姚宏亦注是書云得會稽孫朴所校以閣本標出錢藻劉敞校字又見晉孔衍春秋後語參校補

注是正存疑具有典則大事記亦頗引之而世罕傳知
有鮑氏而已近時浚儀王應麟嘗斥鮑失數端而廬陵
劉辰翁盛有所稱許以王之博洽知其未暇悉數而劉
特愛其文采他固弗之察也呂子有云觀戰國之事取
其大旨不必字字為據蓋以游士增飾之詞多矧重以
訛舛乎輒因鮑注正以姚本參之諸書而質之大事記
存其是而正其非庶幾明事蹟之實求義理之當焉或
曰戰國策者六經之棄也子深辨而詳究之何其戾鮑

彪之區區又不足攻也夫人患理之不明耳知至而識融則異端雜說皆吾進德之助而不足以為病也魯氏之論是書曰君子之禁邪說者固將明其說於天下使皆知其不可為然後以禁則齊以戒則明愚有取焉爾是非之在人心天下之公也是雖芻蕘不遺非雖大儒必斥愚何擇於鮑氏哉特寡學謏聞謬誤復恐類之世之君子有正焉固所願也秦定二年歲乙丑八月日金

華吳師道序

國策之書自劉向校錄逮南豐曾氏皆有序論以著其
大旨向謂戰國謀士度時君所能行不得不然曾氏譏
之以為惑流俗而不篤於自信故因之推言先王之道
聖賢之法而終謂禁邪說者固將明其說於天下其論
正矣而鮑氏以為是特求其故而為之說者策乃史家
者流善惡兼書初無決擇其善者孔孟之所不能違若
之何置之鮑之言殆後出者求備邪夫天下之道王伯
二端而已伯者猶知假義以為名仗正以為功戰國名

義蕩然攻闕併吞相詐相傾機變之謀唯恐其不深押
闕之辭惟恐其不工夙聲氣習舉一世而皆然間有持
論立言不戾乎正殆千百而一二爾若魯仲連蓋絕出
者然其排難解紛慨慨激烈每因事而發而亦未聞其
反正明本超乎事變之外也況其下者乎當是之時本
仁祖義稱述唐虞三代卓然不為世俗之說者孟子一
人而已求之是書無有也荀卿亦宗王者今唯載其絕
春申之書而不及其他田子方接聞孔氏之徒其存者

僅僅一言又何畧於此而詳於彼邪史莫大於春秋春秋善惡兼書而聖人之心則欲寓褒貶以示大訓是書善惡無所是非而作者又時出所見不但記載之也談季子之金多位高則沾沾動色語安陵嬖人之固寵則以江乙為善謀此其最陋者夸從親之利以為秦兵不出函谷十五年諸侯二十九年不相攻雖甚失實不顧也厠雅於鄭則音不純置薰於牆則氣必奪善言之少不足以勝不善之多君子所以舉而謂之邪說者蓋通

論當時習俗之敝舉其重而名之也近代晁子正書志
列於縱橫家亦有見者且其所列固有忠臣義士之行
不係於言者而其繼春秋抵秦漢載其行事不得而廢
曾氏固已言之是豈不知其為史也哉竊謂天下之說
有正有邪其正焉者主于一而其非正者君子小人各
有得焉君子之於是書也考事變究情偽則守益以堅
知益以明小人之於是書也見其始利而終害小得而
大喪則悔悟懲創之心生世之小人多矣固有未嘗知

是書而其心術行事無不合者使其得是書而究之則將有不為者矣然則所謂明其說於天下為放絕之善者詎可訾乎

欽定四庫全書

戰國策校注卷首

宋 鮑彪 原注

元 吳師道補正

卷一

東周

凡二十一章

秦興師臨周章

秦救宜陽章

東周與西周戰章

東周欲為稻章

昭獻在陽翟章

秦假道於周章

楚攻雍氏章

周最謂呂禮章

周相呂倉章

溫人之周章

或為周最章

石行秦章

蘇厲為周最章

謂周最曰章

為周最謂魏王章

趙取周之祭地章

杜赫欲重景翠章

周共太子死章

三國監秦章

昌他亡西周章

昭翦與東周惡章

嚴氏為賊章

卷二

西周

凡十七章

薛公以齊章

秦攻魏將犀武章

秦令樗里疾章

雍氏之役章

周君之秦章

蘇厲謂周君章

楚兵在山南章

楚謂道於二周章

司寇布章

秦召周君章

犀武敗於伊闕章

韓魏易地章

秦欲攻周章

宮他謂周君章

謂齊王曰章

三國攻秦反章

犀武敗周章

卷三

秦一

凡十
三章

魏鞅亡魏入秦章

蘇秦始將連橫章

秦惠王謂寒泉子章

冷向謂秦王章

張儀說秦王章

張儀欲假秦兵章

司馬錯與張儀章

張儀之殘樗里章

張儀欲以漢中章

楚攻魏張儀謂秦章

田莘之為陳軫章

張儀又惡陳軫章

陳軫去楚之秦章

卷四

秦二

凡十
六章

齊助楚攻秦章

楚絕齊章

秦惠王死章

義渠君之魏章

醫扁鵲章

秦武王謂甘茂章

宜陽之役馮章謂章

甘茂攻宜陽章

宜陽未得章

宜陽之役楚畔秦章

秦王謂甘茂章

甘茂亡秦且之齊章

甘茂相秦章

甘茂約秦章

徑山之事章

秦宣太后章

卷五

秦三

凡十七章

薛公為魏謂魏冉章 秦客卿造章

魏君謂魏冉章

謂魏冉曰和不成章

謂穰侯曰章

謂魏冉曰楚破秦章

五國罷成墨章

范子因王稽章

范雎至章

應侯謂昭王章

秦攻韓圍陘章

應侯曰鄭人章

天下之士章

謂應侯曰君禽馬服章

應侯失韓之汝南章

秦攻邯鄲十七月章

蔡澤見逐章

卷六

秦四

凡十章

秦取楚漢中章

薛公入魏而出齊女章

三國攻秦入函谷章

秦昭王謂左右章

楚魏戰於陘山章

楚使者景鯉在秦章

楚王使景鯉如秦章

秦王欲見頗弱章

項襄王二十年章

或為六國說秦王章

卷七

秦五

凡八章

謂秦曰臣竊惑章

秦王與中期章

獻則謂公孫消章

樓許約秦魏章

濮陽人呂不韋章

文信侯欲攻趙章

文信侯出走章

四國為一章

卷八

齊一

凡十七章

楚威王戰勝於徐州章齊將封田嬰於薛章

靖郭君將成薛章

靖郭君謂齊王章

靖郭君善齊豹辨章

卽卽之難趙求救章

南梁之難韓氏靖章

成侯鄒忌為齊相章

田忌為齊將章

田忌亡齊而之楚章

鄒忌事宣王章

鄒忌脩八尺章

秦假道韓魏章

楚將伐齊魯親之章

秦伐魏陳軫合三晉章蘇秦為趙合從說齊章

張儀為秦連橫說齊章

卷九

齊二

凡八章

韓齊為與國章

張儀事秦惠王章

犀首以梁為齊戰章

昭陽為楚伐魏章

秦攻趙趙令樓緩章

權之難齊燕戰章

秦攻趙長平齊楚救章或謂齊王曰周韓章

卷十

齊三

凡十
一章

楚王死太子在齊章

齊王夫人死章

孟嘗君將入秦章

孟嘗君在薛章

孟嘗君奉夏侯章

孟嘗君讌坐章

孟嘗君舍人章

孟嘗有舍人章

孟嘗君出行國章

淳于髡一日章

齊欲伐魏淳于髡謂齊王章

卷十一

齊四

凡十
一章

齊人有馮諼章

孟嘗君為從章

魯仲連謂孟嘗君章

孟嘗君逐於齊章

齊宣王見顏觸章

先生王斗章

齊王使使者問趙章

齊人見田駢章

管燕得罪章

蘇秦自燕之齊章

蘇秦謂齊王曰章

卷十二

齊五

一章

蘇秦說齊閔王章

卷十三

齊六

凡九章

齊負郭之民章

王孫賈年十五章

燕攻齊取七十餘成章燕攻齊齊破章

貂勃常惡田單章

田單將攻狄章

濮上之事章

齊王建入朝章

齊以淖君之亂章

卷十四

楚一

凡二十章

齊楚構難章

五國約秦以伐齊章

荆宣王問羣臣章

昭奚恤與彭城君章

卬鄆之難昭奚恤謂楚章

江尹欲惡昭奚恤章

江乙欲惡昭奚恤章

江乙說於安陵君章

江乙為魏使於楚章

郢人有獄章

城渾出周章

韓公叔有齊魏章

魏氏惡昭奚恤章

江乙惡昭奚恤章

楚杜赫說楚王章

楚王問於范環章

蘇秦為趙合從說楚章張儀為秦破從連橫章

張儀相秦謂昭睢章 威王問於莫敖章

卷十五

楚二章

凡九章

魏相翟強死章

齊秦約攻楚章

術視伐楚章

四國伐楚章

楚懷王拘張儀章

楚王將出張子章

秦敗楚漢中章

楚襄王為太子之時章

女阿謂蘇子章

卷十六

楚二

凡十
章

蘇子謂楚王曰章

蘇秦之楚三日乃得見章

楚王逐張儀於魏章

張儀之楚貧章

楚王令昭睢之楚章 張儀逐惠施於魏章

五國伐秦魏欲和章 陳軫告楚之魏章

秦伐宜陽楚王謂陳軫章 唐且見春申君章

卷十七

楚四

凡十
三章

或謂楚王曰章

魏王遣楚王美人章

楚王后死章

莊辛請楚襄王章

齊明說卓滑章

或謂黃齊章

長沙之難章

有獻不死之藥章

客說春申君章

天下合從章

汙明見春申君章

楚考烈王無子章

虞卿謂春申君章

卷十八

趙一

凡十七章

知伯從韓魏兵章

知伯帥趙韓魏章

張孟談既固趙宗章

晉畢陽之孫章

魏文侯借道章

秦韓圍梁燕趙救章

腹繫為室章

蘇秦說李兌章

趙收天下且以伐齊章齊攻宋奉陽君不欲章

甘茂為秦約魏章

謂皮相國章

或謂皮相國章

趙王封孟嘗君以武城章

謂趙王曰三晉合章

卷十九

趙二

凡七章

蘇秦從燕之趙章

秦攻趙蘇子為謂秦章

張儀為秦連橫說趙章武靈王平書章

王立周紹為傳章

趙燕後胡服章

王破原陽章

卷二十

趙三

凡二十
三章

趙惠文王三十年章

趙使机郝之秦章

齊破燕趙欲存章

秦攻趙蘭離石祁拔章

富丁欲以趙合章

魏因富丁章

魏使人因平原君章

平原君請馮忌章

平原君謂平陽君章

秦攻趙於長平章

秦攻趙平原君使人章秦趙戰於長平章

秦圍趙之邯鄲章

說張相國章

鄭同北見趙王章

建信君貴於趙章

衛靈公章

或謂建信君章

苦城常謂建信章

希寫見建信章

魏貽謂建信章

秦攻趙鼓鐸之章

齊人李伯見孝成王章

卷二十一

趙四

凡十章

為齊獻書趙王章

齊欲攻宋秦令起賈章

齊將攻宋而秦楚禁章五國伐秦無功罷於成臯章

樓緩將使伏事章

翟卿請趙王章

燕封宋人榮盆章

三國攻秦趙攻中山章

趙使趙莊合從章

翟章從梁來章

馮忌為廬陵君章

馮忌請見趙王章

客見趙王曰章

秦攻魏取寧邑章

趙使姚賈約韓魏章

魏敗楚於陘山章

秦召春平侯章

趙太后新用事章

秦使王翦章

卷二十二

魏一

凡二十七章

知伯索地於魏章

樂羊為魏將章

西門豹為鄴令章

文侯與虞人期章

魏文侯與田子方章

魏武侯與諸大夫章

魏公叔痤為魏將章

魏公叔痤病章

蘇子為趙合從說魏章張儀為秦連橫說魏章

齊魏約而伐楚章

蘇秦拘於魏章

陳軫為秦使於齊章

張儀惡陳軫於衛章

張儀欲窮陳軫章

張儀走之魏章

張儀欲以魏合於秦韓章 張儀以秦相魏章

張儀欲并相秦魏章 魏王將相張儀章

楚許魏六城章 張儀告公仲章

徐州之役犀首謂梁章秦敗東周與魏戰章

齊王將見燕趙楚章 魏令公孫衍請和於秦章

公孫衍為魏將章

卷二十三

魏二

凡十七章

犀首田盼欲得齊魏章犀首見梁君章

蘇代為田需說章

史舉非犀首章

楚王攻梁南章

魏惠王死章

五國伐秦無功而還章魏文子田需周宵章

魏王令惠施之楚章

魏惠王起境內衆章

齊魏戰於馬陵章

惠施為韓魏文章

田需貴於魏王章

秦召魏相信安君章

秦楚攻魏圍皮氏章

龐蔥與太子章

梁王魏嬰觴諸侯章

卷二十四

魏三

凡十章

秦約趙而伐魏章

芒卯謂秦王章

秦敗魏於華走芒卯章秦敗魏於華魏王且入朝章

華軍之戰魏不勝章 齊欲伐魏魏使人章

秦將伐魏魏王聞之章魏將與秦攻韓朱已章

華陽君約魏魏王將封其子章

秦使趙攻魏魏謂趙王章

卷二十五

魏四

凡二十七章

獻書秦王曰章

八年謂魏王曰章

魏王問張旄章

客謂司馬食其章

魏秦伐楚魏王不欲章穰侯攻大梁章

白珪謂新城君章

秦攻韓之管章

秦趙構難而戰章

長平之役平都君說章

樓梧約秦魏章

為宋欲絕秦趙章

為魏謂楚王曰章

連上為一

管鼻之令翟強章

成陽君欲以韓魏聽章秦拔寧邑魏王令人章

秦罷邯鄲攻魏章

魏王欲攻邯鄲章

周肖謂宮他章

周最善齊章

周最入齊秦王怒章

秦魏為與國齊楚約章

信陵君殺晉鄙章

魏攻管而不下章

魏王與龍陽君章

秦攻魏急或謂魏王章

秦王使人謂安陵君章

卷二十六

韓一

凡二十四章

三晉已破知氏章

成午從趙來章

魏之圍邯鄲章

申子請仕章

蘇秦為楚合從說韓章張儀為秦連橫說韓章

張儀謂齊王曰章

楚昭獻相韓章

秦攻陘韓使人章

五國約而攻秦楚王為章

鄭彊載八百金章

鄭彊之走張儀章

宜陽之役揚達謂章

秦圍宜陽游騰謂章

公仲以宜陽之故章

秦韓戰于濁澤章

顏率見公仲章

韓公仲謂向壽章

或謂公仲曰聽者章

韓公仲相齊楚之交善章

王曰向也子曰章

或謂魏王王倣章

觀歎謂春申章

公仲數不信於諸侯章

卷二十七

韓二

凡二十
一章

楚圍雍氏五月章

楚圍雍氏韓令冷向章

公仲為韓魏易地章

錡宣之教韓王章

襄陵之役畢長謂章

公叔使馮君於秦章

謂公叔曰公欲得章

謂公叔曰乘舟章

齊令周最使鄭立章

韓公叔與幾瑟爭國鄭彊為楚章

韓公叔與幾瑟爭國中庶子彊章

齊明謂公叔曰章

公叔將殺幾瑟也章

公叔且殺幾瑟也章

謂新城君曰章

胡行之出幾瑟章

幾瑟亡之楚章

冷向謂韓咎章

楚令景鯉入韓章

史疾為韓使楚章

韓傀相韓章

卷二十八

韓三

凡二十四章

或謂韓公仲曰章

或謂公仲曰今有一舉章

韓人攻宋秦王大怒章或謂韓王曰秦王欲章

謂鄭王曰昭釐侯章東孟之會章

今連上為一

韓陽役於三川章秦大國也章

張丑之合齊楚講章或謂韓相國曰人之章

公仲使韓珉之秦章韓相公仲珉使韓侈章

客卿為韓謂秦王曰

舊三章為一

韓珉相齊章或謂山陽君曰章

趙魏攻華陽韓謁急章秦招楚而伐齊章

韓氏逐向晉章

張登謂費綜章

安邑之御史章

魏王為九里之盟章

建信君輕韓熙章

段產謂新城君章

段干越人謂新城君章

卷二十九

燕一

凡十
五章

蘇秦將為從北說燕章奉陽君李兌章

權之難燕再戰章

燕文公時章

人有惡蘇秦於燕王章張儀為秦破從連橫章

宮他為燕使魏章

蘇秦死其弟蘇代章

燕王噲既立章

初蘇秦弟厲章

燕代過魏章

舊三章相連鮑以後二章為一姚本
第三章別提作行恐當自是一章

燕昭王收破燕章

齊伐宋宋急章

蘇代謂燕昭王曰章 燕王謂蘇代曰章

卷三十

燕二

凡十
四章

秦召燕王章

蘇代為奉陽君章

奉陽君告朱謹章

蘇代為燕說齊章

蘇代自齊使人謂燕章蘇代自齊獻書於燕章

陳翠合齊燕章

燕昭王且與天下伐齊章

燕饑趙將伐之章

昌國君樂章

或獻書燕王章

客謂燕王曰章

趙且伐燕蘇代為燕章齊魏爭燕章

卷三十一

燕三

章 凡五

齊韓魏共攻燕章

張丑為質於燕章

燕王喜使栗腹章

秦并趙北向迎燕章

燕太子丹質於秦章

卷三十二

宋 衛

凡十
四章

齊攻宋宋使臧子章

公輸般為楚設

犀首伐黃章

梁王伐邯鄲章

謂大尹曰章

宋與楚為兄弟章

宋康王之時章

智伯欲伐衛章

智伯欲襲衛章

秦攻衛之蒲章

衛使客事魏章

衛嗣君病章

衛嗣君時胥靡章

衛人迎新婦章

卷三十三

中山

章凡十

魏文侯欲殘中山章

犀首立五王章

中山與燕趙為王章 司馬喜使趙章

司馬喜三相中山章 陰姬與江姬爭為后章

主父欲伐中山章 中山君饗都士大夫章

樂羊為魏將攻中山章 昭王既息民章

校正凡例

一鮑更易策文元次殺亂欲從舊本則不見駁正之意已著目錄于前今據其本䟽辨凡注之謬誤者抹之辨正則以正曰著之未明而改定者亦從此例闕遺及他有發明者以補曰著之

一鮑所改及加字并抹除字復存之或與一本合而可通者從之而注其下他本字異義通者以一本著之

一大事記與鮑說有當見或與今說有相發者則見
之不悉引

欽定四庫全書

戰國策校注卷一

宋 鮑彪 原注

元 吳師道補正

西周

漢志河南洛陽穀城平陰偃師鞏氏皆周地也正曰按大事記周貞定王二十八年考

王初立封其弟揭於河南是為河南桓公河南即
郊鄆武王遷九鼎周公營以為都是為王城洛陽

周公所營下都以遷頑民是為成周平王東遷定
都王城王子朝之亂敬王徙都成周至是考王以

王城故地封桓公焉平王東遷之後所謂西周者
豐鎬也東周者東都也威烈王以後所謂西周者河

南也東周者洛陽也何以稱河南為西周自洛陽
下都視王城則在西也何以稱洛陽為東周自河

南王城視下都則在東也河南桓公卒子威公立威公卒子惠公立考王十五年河南惠公復自封其少子班於鞏以奉王號東周沒亦謚惠是時東西周雖未分治河南惠公既號奉王者為東周亦必自號西周矣顯王二年趙與韓分周為二於是東西各為列國顯王雖在東周特建空名是後史傳所載致伯賜胙之類周王也征伐謀策稱東西周君者皆謂二周也周本紀云赧王時東西周分治非也赧王特徙都西周耳當以趙世家為正以事記上並大按高誘注西周王城今河南東周成周今洛陽世本云西周桓公名揭居河南東周惠公名班居洛陽及索隱正義所載甚詳獨邵子經世書紀赧王為西周君與東周惠公並而不紀西周公仍舊誤也鮑考之不精即以西周為王謂之正統謂東不得先於西亂易舊次此開卷第一繆近時陳振孫書錄特舉其首西周為美亦失考所

當改正從舊又考春秋書王城成周公羊傳曰王城者何西周也成周者何東周也說亦甚明昭二十六年天王入于成周左傳以十二月入王城三十二年城成周蓋敬王定遷在既城之後而孫莘老胡康侯皆以成周即京師亦未考王城成周之實而誤合為一要之此文古今說者多以迷瞽致誤故大事記辨之甚詳且實因鮑氏而發近有著東西周辨者其說亦然而不引呂子豈未之見耶徐廣云周比亡凡七縣河南止緱氏此是合東西周地言之今總注蓋因正統之說而誤者

安王

威烈王子此類並以事見紀表世家新出正曰東西周雖分王實在上策以東西周

稱決不當係之王鮑以西周即王故此係以安王報王而東周係以惠公彼西周桓威惠武等公著在史冊獨不見乎安王烈王實都東周而可係之西周乎按策中周君皆指東西二君故

多稱主君其稱王者則附以見如秦興師求勝
章鮑止以嚴氏為賊一條遂出安王不知乃烈

王時事又誤也鮑用意雖勤
傳會舛謬者多並見各章

嚴氏為賊

嚴仲殺韓相傀列侯三年書殺俠累是也殺
人不以道曰賊於此為五年正曰韓策陽堅

此作豎字有訛索隱曰紀年韓山堅賊其君哀侯韓山
堅即韓嚴非嚴遂使聶政殺俠累事也說見上及韓策

而陽豎與焉

鴻烈人間訓注豎
小使也韓策名堅

道周

出亡

周君留之十

四日載以乘車馬而遣之

乘四馬也一車駕
四馬所謂駟馬車

韓使人

讓周

讓燕責也然則此時周之令已不行於諸
侯矣正曰此東周君也策文明曰小國

周君患

之客謂周君正語之曰

使以留之之情告之補曰一本
客謂周君曰正語之正猶直也

寡人

孤寡不穀王侯之稱

知嚴氏之為賊而陽豎與之故留之十

四日以待命也

待韓之命

小國不足

符亦字

亦

補曰疑在不以字上一本無

容賊君之使又不至是以遣之也

元在東周策時周未分也虎謂客之辭雖

足以文周而周君實為天下逋逃主所謂欲蓋而彰者何以示天下乎正曰考其時則烈王五年王都東周若

以王都為尊則舊卷首東周是矣

赧王

周紀慎靚王子歲丁未立徙都西周西京鎬京也宋忠曰卒謚西周武公正曰西周

不當係之王前已論之西周桓威惠武等公東周惠公昭文君雖見史傳然年世不明事實難

附鮑所附赧王諸章據史亦有可考者然無考者悉強附焉係王既非不復深論鎬京大謬

按周紀西周君葬秦周君王赧卒宋忠曰云云正義曰非也西周公即西周武公王赧即周

王也周君與王赧此年俱卒通鑑書赧王入秦大事記謂當從之史衍周君二字又楚世家楚

欲圖周周王赧使武公則武公為臣明矣豈可合為一人乎

周共太子死

周紹云西周武公之共太子死正曰策元在東周鮑據周紀改此恐有誤而下注周

紀之文以存疑

有五庶子皆愛之而無適立也

適猶定也故與莫反正曰適專

主司馬翦

司馬楚卿疑即昭翦

謂楚王懷

曰何不封公子咎

周君別子

而為之請太子

請於周使立為太子

左成

楚人正曰此類當因舊注凡有明徵者可定其

生地不可考而仕國可見者則當曰某國臣謂司馬翦正義注此正作楚臣高注亦多作臣後放此

曰周君不聽是公之智困

困不通也

而交絕於周也不如謂

周君曰孰欲立也微告翦翦令楚王資之以地

封地以資

公若欲為太子

此左成告翦之辭為皆去音猶助也

因令人謂相國御展

子

楚相之御姓展

廡夫空

廡廡字同小臣也空其名

曰王類欲令若為之

楚王

王類猶似若汝也言楚王之意告

此健士也

此亦左成喻翦之言健猶悍也正曰此亦成作翦語

語長

居中

中國不便於相國

二士居中與國事以其悍故相國不之便若出而使周則

不居中用事相國之所欲也故以此說之相國必從

相國令之為太子

此策周紀有元在東

周正曰見上補曰共恭同適丁歷反咎音臯

謂齊王

凡言謂言為而不入失之也猶言或為或謂王閔王正曰周最屢見東西周策謂周最曰仇赫

之相宋云云事在赧王十七年周最於齊王厚也而遂之聽祝弗相呂禮云云禮之相在赧王二十九年此則

王當齊閔之世周紀赧王四十五年周君之秦客謂周最以應為太后養地五十八年有周聚以收齊則正當

頃襄王之世相距凡四十年不可定為閔王時也按策西周兩章皆云最為太子而東周又出最名無曰太子

云者疑或自是二人然無所考曰王何不以地賙周最
賙特遺也最周之庶子凡周皆

周之族正曰鮑意此即上章事而上有五庶子之文爾無明據以為太子也齊王令司

馬悍

齊人

以賂進周最於周

進猶薦

左尚

齊人

謂司馬悍曰周

不聽是公之智困而交絕於周也公不如謂周君曰何

欲置

立置猶

令人徵告悍悍

補曰一本悍請令

令王進之以地左

尚以此得事

以教悍得齊王意故委任之疑此即上章楚王楚人補曰最史作聚索隱云最古聚

字說文同趙策顏最史亦作顏聚

司寇布

司寇周官布其名

為周最謂周君曰君使人告齊王以

周最不肯為太子也

閔王善最欲其為太子以賂進之最時讓立周以最不肯立告齊正

曰閔王說見前章此並無據

臣為君不取也

治氏其姓補曰剡川

姚氏云孟姓治官名因以為號

為齊太公

田和也始代呂氏為齊侯

買良劔公不知

善歸其劔而責之金

歸還之也責取也金買劔之金

越人請買之千金

折而不賣

折折劔正曰高注云雖千金猶未盡其本價故折其錢而不賣則折作折闕義若作斷折則

於下文不通

將死

孟治氏將死

而屬其子

屬屬同集韻託辭

曰必無

無以告人

獨知

作自知其良正曰二語因高注愚意必無獨知當作一句言凡有售必使衆知其良不可獨知也今

君之使最為太子

周雖以最不肯立告齊猶欲立之特未定耳

獨知之契也

契約也當兩知之今則獨補曰禮記右契注一書兩札同而別之

天下未有信之者也

臣恐齊王之謂為

元作為補曰策為謂通

君實立果

亦周子

而讓之於最

讓飾說也

以嫁之於齊

嫁猶賣也言欺齊

君為多巧

巧猶

詐最為多詐

心欲之而

君何不買信貨哉

可信之貨非獨知也

奉

養無有愛於最也

各愛猶

使天下見之

然則立最信矣從周紀皆當為楚王

正曰使衆見之而信最之當立從周紀改楚非補曰為周為君為齊之為去聲

秦令樗里疾

秦惠王弟其居在渭南陰鄉樗里故號樗里子後相武王

以車百乘入

周周君迎之以卒

為百人

甚敬楚王怒

懷王

讓周以其重秦

客

謂疾

游騰

周人正曰

謂楚王曰昔智伯

晉卿智襄子之孫瑤

欲伐

公由

夷國屬臨淮漢志由作猶又九域圖并州有仇猶城引此正曰高注狄國括地志云并州孟縣外城

俗名原仇山史樗里傳作仇猶韓子仇繇呂氏春秋劉外紀夙跡高注或作仇首漢志臨淮乃泗之連水羅氏路

史謂非智伯所伐者遺之大鐘載以廣車

欲開道也

因隨入

以兵公由卒亡無備故也

受其鍾不防以兵

桓公伐蔡也

僖二年蔡

姬沉舟盪公公怒歸之未絕也蔡嫁之故

號言伐楚

號聲

言也以伐

其實襲蔡

無鍾鼓曰襲正曰此據左氏說陸氏纂例掩其不備曰襲

今秦

虎狼之國也

喻其貪殘

兼有吞周之意使樗里疾以車百乘

入周周君懼焉以蔡公由惑之

以二國為惑補曰一本戒之注以二國為戒也

故使長兵在前

戈矛之屬

強弩在後名曰衛疾

衛行列為護也

而實

囚之

補曰一本下有也字

周君豈能無愛國哉恐一日之亡國

秦恐

之而憂大王

為楚王憂

楚王乃悅

樗里傳有

雍氏之役

周紀注陽翟有雍氏城韓記注赧王三年十五年楚再圍雍氏此十五年也韓徵

甲與粟於周

徵猶索

周君患之告蘇代

秦之弟洛陽人

蘇代曰何

患焉代能為君令韓不徵甲與粟於周又能為君得高

都

屬上黨正曰水經云伊水逕却郵亭又北逕高都杜預云河南新城有却郵亭括地志云高都舊城在洛

州伊闕縣北京相璠云非在上黨者

周君大悅曰子苟能寡人請以國聽

以國事從之

蘇代遂往見韓相國公仲

元作中下同韓公族中

正曰古仲字省

補曰索隱云公仲侈裴駰云相國秦官韓亦有諸國倣秦也

曰公不聞楚計乎昭應

楚將也昭屈景皆楚之族姓後有不重注

謂楚王

懷曰韓氏罷於兵罷疲同

倉廩空

並穀所入

無以守城吾攻之以飢

因其飢攻之補

不

過一月必拔之

得城曰拔如拔物然

今圖雍氏五月不能拔是楚

病也

病猶困

楚王始不信昭應之計矣今公乃徵甲與

元作

及及

正曰史作與及義自通毋煩改字

粟於周此告楚病也

猶以飢疲告之

昭

應聞此必勸楚王益兵守雍氏雍氏必拔公仲中曰善

然吾使者已行矣代曰公何不以高都與周公仲中怒

曰吾無徵甲與粟於周亦已多矣何為與高都代曰與

之高都則周必折而入於韓

折猶屈入猶歸

秦聞之必大怒而

焚周之節

節符信也行者所執焚之者不通周也周官通達於天下必有節無節則不達

不通

其使是公以敝高都得完周也何不與也公仲中曰善

不徵甲與粟於周而與高都楚卒不拔雍氏而去

紀有而略

周君為東周補曰正義雍於恭反

薛公

靖郭君田嬰之子孟嘗君田文也襲其父封薛薛屬魯國

以齊為韓魏攻楚

楚懷

二十六年齊韓魏攻楚此十二年也

又與韓魏攻秦

齊閔二十六年為韓魏攻秦此十七年也

正曰此據史按通鑑大事記赧王二年當閔王元年此當作十六年

而藉兵乞食於西周

藉猶

韓慶

凡韓皆韓人其在周去韓仕周也凡非本國人皆自其國來仕者也

為西周謂

欽定四庫全書

戰國策校注

八

薛公曰君以齊為韓魏攻楚九年取宛葉以北

二縣屬南陽九

字誤當云六或五補曰宛於葉反鄧州縣葉舒涉反汝州縣

為強韓魏

為猶代補曰一本而取宛

葉以北以強韓魏

今又攻秦以益之

益其強

韓魏南無楚憂西無

秦患則地廣而益重齊必輕矣夫本末更盛

更猶

虛實

有時

言不可常

竊為君危之

並言齊薛今雖善韓魏後或為患

君不如令敝

邑

也周

陰合為秦

陰猶私

而君無攻

但出兵臨秦不用攻也

又無藉兵

乞食

勿示秦以弱

君臨孟谷

臨言以兵至其地函谷關名在弘農補曰正義云陝州桃林縣

西南有洪溜澗古玉谷也今屬靈寶縣

而無攻令敝邑以君之情

心所欲也謂

秦王

昭

曰薛公必不

補不字補曰史此下有字是

破秦以張韓魏

張

音大

所以進兵者欲王令楚割東國以與齊

楚之東地即楚策下

東國

而

元作也

補曰史

秦王出楚王

懷

以為和

楚懷王十年張

儀誘楚王會秦秦留之此十六年也

君令敝邑以此惠秦

秦得無攻周之力也

秦得

無攻

元作破

而以楚之東國自免也必欲之楚王出必

德齊

齊出之齊之思也

齊得東國而益強而薛世世無患秦不

大弱

無三國之兵故

而處之三晉之西

趙魏韓本晉三卿分三晉而君之故曰三晉

晉必重齊

秦居晉西不弱而善齊三晉畏秦故齊重

薛公曰善因令韓慶入

秦而使三國無攻秦而使不藉兵乞食於周

孟嘗傳有今按楚記

三國攻楚秦救之引去與此言取宛葉小駁補曰大事記頽瀆蘇氏云秦昭王欺楚懷王要之割地諸侯熟視

無敢一言問秦者惟田文怨秦借楚為名與韓魏伐秦自山東難秦未有若此其壯者也惜其聽韓慶之計臨

孟谷而無攻以求楚東國而名義索然以盡由此觀之秦惟不遇桓文之君故橫行而莫之制世宜有以大義

而屈於不義者哉為強為和之為如字餘去聲

三國攻秦反

反猶

西周恐魏之藉道也

藉亦

為西周謂

魏王

哀正曰此據史按通鑑大事記顯王三十五年乃魏惠王後元年慎靚王三年當魏襄元年說見魏

策此當作襄事在二十一年

曰楚宋不利秦之聽

元作

德三國也

猶

順從三國近楚宋秦聽之則強而害楚宋故不利也正

曰三國不攻秦而解故秦德之秦德之則和而不利於

楚彼且攻王之聚楚宋攻魏之廩庫正曰邑落以利元

宋到補曰一秦若為秦魏王懼令軍設舍速東舍軍次也

本作利道周周必賔之故恐今魏魏東則無賔之之費矣

韓魏易地韓策書此在西周弗利樊餘周人正曰高注

餘下曾有謂楚王懷曰周必亡矣韓魏之易地韓得二

縣魏亡二縣易地則魏亦有得而獨所以為之者魏雖

然且盡包二周東多於二縣九鼎存焉漢志武王遷九

屬河南為東周 且魏有南陽鄭地三川河內修武注晉

正曰說見前 京兆山陽皆有鄭河南有新鄭此在楚魏之間新鄭也

河南郡注秦三川郡也周紀三川震注涇渭洛補曰杜

注在晉山南河北故曰南陽鄭本在西都畿內咸林武

公得號檜之地乃徙其封是為新鄭咸林今華州鄭縣

新鄭今鄭州正曰三川河洛伊張儀所謂天下朝市秦

武王所謂車通以闕周室者也秦拔成臯蒙陽初置三

川而包二周則楚方城之外危南陽郡注葉公邑號方

郡在葉韓兼兩上黨漢并州郡甘茂傳注遠韓近趙故言

縣西金投秦策藍田徑山三以臨趙即趙羊腸以上危上黨

章所言則上黨亦屬魏壺閼

有羊腸坂高注趙險塞山形屈折故易成之日楚趙皆

如羊腸此皆以所近之國強故危

輕楚王恐因趙兵以止易

補曰一本因趙以止易也

秦攻魏將犀武軍於伊闕

唐志為縣屬河南注北有伊闕故關此役秦昭十四年此

二十二年補曰正義云水經注禹疏龍門以通水西山相對若闕故謂之伊闕今洛南猶謂之龍門也諸本犀

作犀進兵而攻周為周最謂李兌

趙司寇

曰君不如禁秦

之攻周

禁猶止

趙之上計莫如令秦魏復戰

趙魏隣也魏有秦兵則趙

無事今秦攻周而得之

得猶勝正曰得其土地人民也

則衆必多傷矣秦

欲持

元作待

補曰字

周之得

得猶保

必不攻魏

恐重傷

秦若

攻周而不得前有勝魏之勞後有攻周之敗又必不攻

魏今君禁之而秦未與魏講也

講和解也補曰史甘茂傳索隱云鄒氏講讀曰

媾又曰漢史媾講兩字常雜愚按媾講媾講家世亦然今凡為和解之義者定讀從媾為交結之義者字當從才

後放此而全趙令其止必不敢不聽是君却秦而定周也

却猶退秦去周必復攻魏魏不能支支猶拒必因君而講與秦

也和也則君重矣凡言重皆制人而不制於人者也若魏不講而疾支之是

君存周而戰秦魏也重亦盡在趙

犀武敗於伊闕周君之魏求救

白起既敗魏遂進攻周周以魏怨之故往求救

補曰大事記秦怒東周助韓魏故攻之按策文當作西周魏王昭以上黨之急辭之

意者有趙或韓兵也正曰趙兵無周君反見梁囿陳留考周韓魏共伐秦此時韓魏必和周君反見梁囿陳留

注魏惠王自安邑徙大梁有林池而樂之也秦母恢人

正曰高謂周君曰溫囿不下此溫屬河內言其樂不在梁下而又近

周臣能為君取之反見魏王王曰周君怨寡人乎對曰

不怨且誰怨乎臣為王有患焉周君謀主也猶為天子故正曰韓

世家使公孫喜率周魏伐秦敗而設以國為王扞秦設伊闕緣是故稱謀主此周君也

陳扞而王無之扞也無為周扞者臣見其必以國事秦也秦

悉塞外之兵與周之衆以攻南陽而兩上黨絕矣言趙韓援

魏之路絕正曰是時魏上黨被兵若周秦攻南陽則魏又當禦其攻而上黨必絕後云上黨無患言得併力於此魏王曰然則奈何綦毋恢曰周君形不好小利形猶勢也

小利謂溫園國小多事秦而好小利有秦助則無國患乃得游觀今

王許戍三萬人戍守邊也許為周扞秦與溫園周君得以為辭於

父兄百姓云得戍卒之援而私利元作利補曰姚云錢本作私按作利字則與上協溫

園以為樂得戍公也得園私也必不合於秦臣嘗聞溫園之利計

歲八十金魏人貢其上之數周君得溫園其以事王者歲百二

十金周許魏之數是上黨無患周善事魏則趙韓必不加兵而羸四十金

羸有餘賈利也魏王因使孟卯鴻烈汎論注齊人即芒卯致溫囿於周君致送

也而許之成處謂周君非賢君也秦兵在境而樂於囿其志荒矣恢雖能得囿非君子所以事其

君者也補曰為辭為樂之為如字餘去聲

犀武敗周使周足相之秦或謂周足曰何不謂周君曰

臣之秦秦周之交必惡皆美惡之惡正曰左傳周鄭交惡杜注兩相疾惡據此則皆當

鳥故主君之臣主君稱周君又秦重秦之所重而欲相者欲得相周且

惡臣於秦此人欲代足相周故敗其使事此二國所以必惡而臣不能為使矣

臣願免而行以順已之相君因相之彼得相不惡周於秦

矣君重秦

此下或人復說足也

故使相往行而免是

元作且

且輕秦

也公必不免

雖以免自請勢不可免也

公言是而行交善於秦是公

之事成

元作成事

成事

補曰恐當作事成

也交惡於秦不善於公者

補者字

且誅矣

意其惡足於秦也

蘇厲

亦秦之弟

謂周君曰敗韓魏殺犀武攻趙取蘭離石祁

者

蘭及離石屬西河祁屬太原補曰此注大事記取

皆白起

秦將武安君

是攻用兵

攻功字言善巧也

又有天命也

得天之助

今攻梁

魏都

梁必破

破則周危君不若止之謂白起曰楚有養由基者

楚共王將

善射去柳葉者百步而射之百發百中

發發矢

左右皆曰

善有一人過曰善射可教射也矣

意欲其息

養由基曰人皆

善

善善我

子乃曰可教射子何不代我射之也客曰我不

能教子支左屈右

支如竹之支也蓋取其直左右臂正曰列女傳云左手如拒右手如附枝

右手發之左手不知此射之道也

夫射柳葉者百發百中而不以善息

百中善也此時宜息

少焉氣力倦弓撥矢鉤

元作拘今從史撥弓反也鉤矢鋒屈也補

曰姚本作鉤拘有鉤音古或通

一發不中前功盡矣

盡猶戒

今公破韓魏

殺犀武而北攻趙取蘭離石祁者公也公之功甚多今

公又以秦兵出塞過兩周踐韓而以攻梁

踐履也猶過

一攻

而不得前功盡滅公不若稱病不出也

周紀三十四年有補曰射之射

柳之射食亦反

楚兵在山南

山吳岳屬扶風禮所謂岳山也正曰岳山秦地非此所指高注在周之山南

伍

元作吾下同

吾

補曰吾字訛當作伍

得

楚將也高注吾作五

將為楚王

頃襄

屬怨於

周屬連也猶結

或謂周君曰不如令太子將軍正

周太子也將去音軍

正猶卒正軍之率也正曰此謂將軍而正迎也史穰苴傳軍正無注迎伍吾得於境而君

自郊迎令天下皆知君之重伍吾得也因泄之楚曰

微漏

其言使周君所以事伍吾得者器必多且歸楚

此以間得於楚

言與得之器王必求之楚而伍吾得無効也

効猶致也得實未嘗

其必載以歸王必罪之

以其欺也虎謂此謀雖不出於正而免國於難可也正曰鮑以此為尊周

無以効矣

楚請道於兩周之間

以假道請

以臨韓魏周君患之蘇子

元作

秦秦字李子洛陽人其死時東西周末分此當為代若

秦諸如七處不一正曰東西周說見前史不曰蘇秦東

周洛陽謂周君曰除道屬之於河

除去穢也夏紀注河出金城積石蓋道行

兩周之間使楚所假連及之正曰河

韓魏必惡之

楚惡齊

秦恐楚之取九鼎也

道廣可必救韓魏而出鼎

而攻楚楚不能

守方城之外安能道二周之間若四國弗惡

齊秦韓魏

君雖

不欲與也

與之道正曰謂鼎也

楚必將自取之矣

秦召周君周君難往

意不欲往

或為周君謂魏王

安釐正曰無考周紀

作韓王

曰秦召周君將以使攻魏之南陽王何不出兵於

河南

河南洛陽也時未為郡言河之南耳正曰河南即西周郊鄆考王封弟河南其名久矣

周君

聞之將以為辭於秦而不往

以魏兵在境為言

周君不入秦秦

必不敢越河

越度也

而攻南陽

周君之秦謂周最曰

最時從王

不如譽秦王之孝也

秦昭

因以

原為太后養地

齊記注河內沁水有原城后昭王母宣太后也供養之地湯沐邑也補曰原姚

本作應史同徐注
潁川父城縣應鄉

秦王太后必喜是公有秦也

有言得其意

交善

周秦之交

周君必以為公功交惡勸周君入秦者必有

罪矣

紀四十五年有

秦欲攻周周最謂秦王

昭

曰為國之計者不攻周攻周

實不足以利國而聲畏天下

聲猶名也周天子也今見攻故天下畏秦正曰畏猶

惡也周地狹不足以利國而有攻天子之
惡名見畏惡於天下與司馬錯說同意

天下以聲畏

秦必東合於齊兵散於周

攻雖勝不無傷失

而合天下於齊則

秦孤而不王矣是天下欲罷秦

罷疲下同

故勸王攻周秦

與天下俱罷

天下合齊而與秦戰戰則必疲

則令不橫行於周矣

橫行無畏

忌也紀有

宮他

周人正曰高注作臣

謂周君曰宛恃秦而輕晉

宛屬南陽故申伯國南陽

三晉時屬韓韓釐五年秦拔我宛蓋宛亡在春秋之晉三晉分晉乃屬韓也

秦飢而死亡

此下

皆恃遠輕近而亡秦飢不能援宛故晉滅之其亡不經見

鄭恃魏而輕韓魏攻秦而

鄭亡

鄭河南新鄭鄭君乙二十一年韓哀侯滅之

邾莒亡於齊

魯鄒衍故邾也邾曹姓國

二十九世楚滅之呂屬越陽國故陳蔡亡於楚陳舜後漢淮陽

國楚惠王十年滅陳四十二年滅蔡此皆恃援國而輕

近敵也援引也故今君恃韓魏而輕秦國恐傷矣君不

如使周最元作早補曰姚本正作最陰合於趙以備秦則不毀

戰國策校注卷一